

libro data est ad imitationem Ecclesiastis Salomonis et ab similem rationem. Graeci vero librum vocarunt *Sapientiam Sirach Σοφίας Στεφάνης*, qui titulus confirmat quae diximus de libri auctore.

Ecclesiasticus hebraice scriptus fuit, quemadmodum stylus versionis indicat, et prologus versioni graecae praefixus expresse affirmit: *praeterea Hieronymus (Praef. in lib. Salomonis) ipsum textum hebraicum vidit Ecclesiasti et Cantico adiunctum sub titulo: Parabolae. Hic vero textus iamdiu deperditus est: superest vero et ad instar textus habetur graeca libri versio, quam nepos auctoris confecit, ut ex eius prologo discimus. Si quaeratur auctoris ac libri aetas indicium supeditat ipse auctor innuens se scripsisse, cum Simon iustus Oniae filius summum sacerdotium teneret (L. 1-22); quoniam vero duo occurunt huius nominis summi pontifices, alter in principio, alter vero in fine tertii ante Christum saeculi, dubitari potest ad utrius epocham liber referendas sit; verum ad Simonem primum esse referendum apparent ex eo quod nepos auctoris in cit. prologo dicat se librum graece vertisse temporibus Ptolemai Evergetis regis (A. C. 247-221) qui regnavit ante pontificatum Simoni secundi (A. C. 219-199). Latina Ecclesiastici versio, quemadmodum et Sapientiae, quam in Vulgata habemus, non est Hieronymi sed eo longe antiquior, ut in sequenti capite ostendemus. Nostandum est versionem hanc in ordine sententiarum aliquantum a Graeca discrepare praesertim in capp. XXX-XXXVI.*

Haec de libris Pentateucho posterioribus tum universum tum singillatim sumptis.

ARTICULUS III.

DE PENTATEUCHI GENUINITATE

Aggregimus nunc gravissimam de Pentateuchi authentia quaestionem, quod opus, quemadmodum inter sacros libros V. T. praecipuum est, et reliquorum veluti basis ac fundamentum, ita ab Religionis hostibus prae ceteris impugnatur. Pentateuchus continet quinque Moysis libros, quos Hebrei uno vocabulo vocant *Thorah תּוֹרָה* seu *Legem*. Initio quidem nulla videtur facta fuisse operis divisio, dein vero ab Hebreis in quinque partes, seu libros, divi-

sum est, qui cum titulis carerent ab Hebreis ex primis uniuscuiusque libri verbis appellati sunt: scilicet primus Liber appellatus est *Beresith בראשית* idest, in principio; secundus *Velleh secundus שְׁנִית* idest, et haec sunt nomina; tertius dictus est *Vajikra וַיְקִרְאָה* seu, et vocavit; quartus *Vajedabber וַיְדַבֵּר*, seu, et locutus est; quintus *Ellah Haddevarim אלה הַדְבָּרִים* seu, haec sunt verba. Graeci vero eosdem libros distinxerunt quibusdam nominibus quae singulorum materiam designant, scilicet primus liber vocatus est *Teoreticός*, seu *origo*, vel *generatio*, quia mundi et hominum originem narrat, secundus dictus est *Eξόδος*, seu *exitus*, quia Iudeorum egressum ex Aegypto refert, tertius *Aειτίχων*, seu *Leviticus*, quia de Levitarum officiis pertractat, quartus *Αριθμοί*, idest *Numeri*, quia varias numerationes seu census Hebraeorum continet, quintus denique liber dictus est *Δευτερονόμιον*, idest, secunda lex, vel *iteratio legis*, quia legis repetitionem et veluti recapitulationem exhibet. Integrum autem opus appellatum est *Πεντάτευχος*, seu opus *quinque librorum*. Latinis has denominationes resuuerunt et opus vocant *Pentateuchum*, singulos autem libros: *Genesis*, *Exodus*, *Leviticus*, *Numeri*, et *Deuteronomium*.

Principium horum librorum argumentum est Legis per Moysem latae expositi, ita tamen ut simul cum lege historia narretur primum humani generis universum, tum gentis Hebraeorum specialiter usque ad Moysi mortem. *Genesis* itaque incipit a mundi creatione, et primi capitibus breviter narrat rerum omnium originem a Deo creatore, protoparentum creationem, felicitatem, lapsum, poenam ipsius universoque humano generi irrogatam, simulque futuri reparatoris promissionem (I-III). Tum breviter narrat hominum propagationem, generalem corruptionem, et immissum a Deo Diluvium (IV-VIII): deinde narrata nova hominum propagatione ex superstite familia Noe, eorumque in variis stirpes ac gentes divisione (IX-XI) statim ad hebraicæ gentis historiam transit, referens superiori stylo gesta Abraham Hebraeorum stipitis, eiusque filiorum ac nepotium Isiae, Iacob et duodecim eius filiorum unde ortae duodecim tribus; familiae Iacobi adventum in Aegyptum, eorumque in Aegypto commorationem usque ad mortem Patriarchae Joseph (XII-L). Quare totus hic liber historicus est, et reliqua historiae non solum sacrae sed etiam profanae fundamenta ac veluti semina complectitur.

Exodus praecedentem historiam continuans narrat Hebraeorum admirabilem in Aegypto multiplicationem, et sub Aegyptiorum tyrranide oppressionem (I-II), a qua divinitus liberati sunt per Moysem, qui ex Hebreæa matre natus, sed in aula Pharaonis educatus a Deo electus est ut populum ex Aegypto educeret in vicinam terram Chanaan, quam Deus eorum patribus Abrahamo, Isaco et Iacobo promiserat. Moyses munus, reluctans licet, suscepit, et una cum fratre Aaron, fracta per decem portentosas plagas Pharaonis contumacia (III-XII), populum ex Aegypto edicit, et per viam deserti Chanaan versus peregit. Moys celebratur primum Pascha et Hebrei Pharaonis eos persequentes iram elidunt, transmiso per prodigium mari rubro (XIII-XV). Tum pergentes per desertum post varias stationes, cum ad radices montis Sinai venissent, lex in summitate montis a Deo Moysi datur, et decalogus lapideis tabulis digito Dei insculptis promulgat. Huius legis expositi, et praesertim ea quae ad arcam foederis, tabernaculum ac caetera divino cultui destinata pertinent reliquam libri partem occupant (XVI-XL). Liber hic historiam continet peregrinationis Hebraeorum usque ad annum secundum post egressum ab Aegypto.

Leviticus historiam prosequitur per unius tantum mensis spatium: totus autem liber versatur in expoundeda parte ceremoniali legis Mosaicae. Itaque in primis septem capitibus traduntur variae oblationes et sacrificia, sive pacifica, sive pro peccatis, simulque ritus quibus offerenda erant. Sequitur solemnis consecratio sacerdotum (Aaron et filiorum), nec non tabernaculi, eiusque supellecitis (VIII-X); deinde multa adduntur de immunditia legalibus, et de criminibus diversis, pro quibus speciales poenae constitutur (XI-XX): concluditur liber varii constitutionibus quae ad Sacerdotium munera, et ad sacras Hebraeorum festivitates pertinent (XXI-XXVII).

Numerorum liber reliquum peregrinationis tempus complectitur, scilicet 39 circiter annorum spatum, et varias Hebraeorum stationes enumera, praecipue tamen censum exhibet tum familiarum generatim, tum speciatim Levitarum (I, IV, XXVII); narrat etiam mortem Aarons, plures populi calamitates a Deo immissas, elevationem serpentis aenei in deserto, stragem Madianitarum, seditionem Core, et pulcherrimam Balaami historiam: adduntur hic illuc variae constitutiones ac praecepta de Nazaraeis, et de nonnullis oblationum ritibus. Haec omnia XXXVI capitibus exponuntur.

Deuteronomium historiam proprie non refert sed Hebraeorum populum exhibet, expleta iam peregrinatione, campos Moab occupantem prope Iordanem e regione Iericho. Itaque Moyses in hoc libro imprimis summam repetit peregrinationis historiam in praecedentibus libris narratam (I-IV), et in memoriam revocat beneficia per id temporis populo a Deo concessa. Et haec est prima Moysi oratio ad populum. Sequitur altera oratio qua Moyses decalogum rursus promulgat, idolorum cultum proscribit, et præmia ac poenas legem observantibus vel violantibus constituit (V-XII). In sequentibus capitibus plura repetit, et clarius explicat de legibus iudicibus et poenaliis alias commemoratis, ubi notanda sunt praincipia cap. XXVII, et XXVIII, ubi vehementi stylo maledictiones ac benedictiones referuntur pro fidelibus vel infidelibus Hebreis. Denique Moyses Dei iussu sibi eligi successorem Iosue filium Nun, eique populum et legem a se istam commendat (XXXI), tum pulcherrimum edit canticum, ultimam benedictionem populo imperit, et cum oculis suis procul conspexisset terram promissam, senio confectus moritur quin ei concedatur in ea pedem figere (XXXII-XXXIV).

Haec est totius Pentateuchi summa qui certe opus est pulcherrimum, ac sublimissimum tum ob rerum gravitatem, tum ob styli et narrationis elegantiam. Notentur præ ceteris historia sacrificii Abraham (Gen. XXII), historia nuptiarum Isaac cum Rebecca (ibid. XXIV), et historia Iosephi (ibid. XXXVII-L): item promissiones Patriarchis factae, et propheta de Messia venturo (Gen. XII, 7, XV, 48 seq. XXVI etc. Deut. XVIII, 45, 46), nec non duo Moysi cantica (Ex. XV, et Deut. XXXI).

Auctorem Pentateuchi esse Moysem certissime constat. Non defuerunt tamen qui contra universalem traditionem vel totum opus, vel partem Moysi abiudicarent.

I. Inter antiquos adversarios imprimis extiterunt Nazarei, qui, teste S. Epiphanius (haer. XVIII, 4), contendebant Pentateuchum quem nunc habemus eundem non esse ac originarium opus Moysi; quibus accessit auctor Clementinorum (Clement. hom. III, 47) qui ostendere conatur Moysen Pentateuchum scribere non potuisse. Etiam Ptolemaeus haereticus valentinianus in Epist. ad Floram (apud Epiphanium haer. XIII, 4) eamdem opinionem proposuit. Horum sententia a tota Iudeorum et Christianorum traditione

damnata ac proscripta fuit. Medio aeo duo ex Rabbinis suorum traditioni contradixerunt, Isaac Benjasciosc saec. XI, et Aben Ezra saec. XII a caeteris damnati ac refutati. Serius Carlostadius, Hobbesius, et Spinoza Pentateuchi authenticam impugnarunt. Horum vestigia passim sequuntur recentiores Rationalistae imprimis Vater (*Commentär über den Pentat.* Halle 1802), et De Wette (*Beiträge Zur Einleitung ins A. T. 1806*), quos magno numero sequuntur alii eiusdem scholae autores ut Volney, Ammon, Hartmann, Knobel, Ewald, Gesenius, et in Anglia Geddes, Davidson (*Introduction 1862*), Colenso (*The Pentateuch and Book of Joshua critically examined 1862*), auctor articuli *Pentateuchus* in dictionario Biblico Smithii etc. Horum sententia est Pentateuchum esse opus ex pluribus fragmentis diversorum auctorum conflatum quorum alia Moyse antiquiora sint, alia ab ipso Moyse conscripta, alia vero plura a variis auctoribus post Moysem prodierint, que omnia denique a quodam recentiore Iudeorum doctore in unum opus collecta ac digesta fuerint. Si vero ab iis queratur qua aetate compilatio haec sit, alii assignant in genere aetatem Iudicium, alii aetatem Davidis, alii tempus captivitatis Babylonicae, nec defuerunt qui cum Van Dale ad Esdrae epocham operis compositionem reiherent.

II. Nonnulli autem media via quodammodo incidentes authentiam Pentateuchi ex parte tantum admittere voluerunt ut Richardus Simonius et Peyerius, quorum primus in sua *Histoire critique du V. T. Chap. V, VI* opinatur Moysem solam legem scripsisse, historiam vero quae in eius libris legitur a publicis notariis vel scribis profectam esse, quos tamen divinitus inspiratis fuisse admittit. Peyerius autem in suo *Syst. Theol. ex praeadamitatum hypothesi* contendit Pentateuchum hodiernum non esse nisi compendium scriptorum Moysi, quae perierunt. Quem tamen errorem postea auctor cum reliquis retrahavit.

III. Denique extiterunt alii, et adhuc sunt qui concedentes integrum Pentateuchum a Moyse prodilisse, contendunt tamen non omnia originario ab ipso Moyse esse conscripta, sed in primo libro praesertim, seu Genosi, plura extare fragmenta Moyse antiquiora ab eo tamen collecta, et suo operi inserta: ita primum Carolus Le Cene minister protestans Parisiensis, et Astruc medicus Brusselensis, quos etiam Lahnius et Ackermann (*Introd. Part. II, §. 16 et seq.*) cum aliis nonnullis ex nostris sequuntur. Horum sententia

vel omnino reicienda est, vel tolerari potest pro varia nempe ratione qua proponitur et explicatur, ut postea videbimus.

Vera sententia quam universalis constans traditio nec non interna argumenta certissimam reddunt tenet Pentateuchum a Moyse auctore prodisse integrum, et in ea forma qua nunc extat. Attamen non est hoc ita rigide accipendum ut intelligatur minima quaque quae in Pentatecho leguntur a Moyse scripta fuisse; scilicet negandum non est quaedam posteriori aetate ab Agiographis, praesertim Isuse, et Esdra, Pentateuchi adiecta fuisse, puta breves quadam notas, nominum quorundam explicationes, et certe postrem octo versiculi, quibus mors et sepultura ipsius Moysi narrantur. Quamvis et haec sobrie admodum admittenda sunt, nec ferenda est temeritas lo. Lahni qui huinsmodi additamenta eo usque extendit ut ipsius operis authentiam labefactare videatur, et ea de causa ab ipsis protestantibus vapulaverit.

In tanta errorum et opinionum varietate ut veram sententiam plene ac pro merito tuearum propositum est tractationem in tres partes dividere. 1º Scilicet de Moysi existentia agemus; nam et hoc demonstrare cogimur adversus quosdam criticos ex rationalistarum scholis, qui ipsam historicam Moysi, personam negant, eamque mythicam seu fabulosam dicunt. 2º Demonstrabimus Moysem esse Pentateuchi auctorem. 3º Denique crism instituemus opinio- nis superioris memoratae qua dicitur Geneseos librum ex variis antiquioribus fragmentis a Moyse collectum et compilatum fuisse.

THESIS XXIII.

*Moyses Hebraeorum dux, et legislator
est personaistica ac realis.*

Proposita Thesis breviter a nobis demonstrabitur adversus inanes adversariorum dubitationes, et conjecturas Iº ex domestico hebraicæ gentis testimonio IIº ex profanorum scriptorum attestatione.

Iº Ad Iudeos quod attinet adversarii non negant Hebraeorum nationem antiquissimam esse, et ab ea saltem aetate descendere qua Moyses vixisse dicitur, scilicet quindecim circiter ante Christum saeculis: item negare non possunt Hebraeos a caeteris gentibus separatos plerumque vixisse, propriis vixisse legibus et sua-

rum traditionum tenacissimos fuisse. Haec enim omnia ex historia universalis certissime constant. Si igitur demonstrari possit Hebreos per omnes aetates persuasos fuisse de Moysis existentia, eumque veluti legislatorem suum veneratos fuisse, tale aderit pro historico Moysi charactere argumentum quo gravius adversarii nec afferre nec desiderare posunt ad ullius antiqui viri existentiam demonstrandam. Porro haec constans Hebraeorum traditio ac testimonium patet

- 1º ex eorum scriptis, quorum authentiam superius demonstravimus
- 2º ex orali eorum traditione.

Iº Testimonium *scriptum* Hebraeorum in omnibus poene sacris libris occurrit, qui cum ad varias aetates pertineant, seriem seu catenam continuum testium exhibent pro reali, ac historicâ existentia Moysi. Ut enim inverso temporum ordine procedamus Christus, et Apostoli de Moyse tamquam persona historicâ loquuntur, eius verba referunt, gesta narrant, virtutes laudant. Secundo ante Christum saeculo honorifica Moysis mentio occurrit 2 Mac. VII, 6; tribus ante saecula Esdras, et Nehemias de Moyse loquuntur (1 Esdr. III, 2, VII, 6, 2 Esdr. VII, 6, VIII, 23). Ante illos aetate captivitatis Babylonicae Daniel, et Baruch Moysem laudant (Dan. IX, 11, 13; Bar. II, 28). Ante captivitatem testimonia occurrunt Iosiae regis (2 Reg. XXIII, 21, 1 Par. XVI, 40, 2 Par. XVII, 9 etc.). Imo in ipso exordio epochae Regum testimonia habemus Samuelis (1 Reg. II), et Davidis (in psalmis passim): denique ante Reges ipsa aetate Iudicum, quae Moysi vicina est, testimonia occurrunt in libris Iudicum, Ruth, et Iosue (Jud. III, 4, Ruth IV, Ios. I, 7, 8, VIII, 30 etc.). Atque ita per varias aetates pervenire licet usque ad testes, qui aetate proximi Moysi fuerunt, et quidem testes non poetas, vel fabularum scriptores, sed vere ac proprie historicos.

Orales autem *traditionis* existentia in re de qua agimus ex tota Hebraeorum historia colligitur: quousque enim extenditur memoria huius gentis, et ubicumque eius mentio occurrit, non aliter eam videmus, quam sub lege Moysi viventem, et ipsius memoriam venerantem.

IIº Accedit profanorum scriptorum et exterarum gentium traditio. Sane, omissis gravissimo Samaritanorum testimonio, de quo inferius disseremus, Ethnicorum testimonium adducimus, quod Iustinus M. in Cohort. ad gent. Iosephus Flavius in libro 4º contra App. et post eos Eusebius in Praep. Evang. Lib. IX, Cap. 27-29

exponunt, qui quidem plura antiquissimorum scriptorum testimonia collegerunt, quorum opera nunc desperita sunt, ubi de Moyse eiusque gestis fit mentio. Inter hos testimonia adducunt *Polemonis*, qui aetate Ptolemaei Epiphaniis floruit, *Philocori* Atheniensis aetate Ptolemaei Philopatoris, *Eupolemi* et *Artapani* antiquissimorum scriptorum, et aliorum plurima quorum nonnulla a nobis afferentur in sequenti Thesi. Hic sufficiat proferre testimonium *Manethonis* vetustissimi Aegyptiorum scriptoris, et *Strabonis* ex primis Graecorum historicis. Itaque Manethon apud Iosephum Flavium loc. cit. ait: « Politiā et leges compositū ei (Hebreis) sacerdos quidam Eliopeles qui vocabatur Moyses: » nec difficultatem facit quod Moysem dicat sacerdotem Eliopolitanum, hoc enim pagano scriptori indulgendum est qui sciens Moysem in Aegypto natum et educatum, eundemque sacrorum rituum instauratorem fuisse, putavit illum Solis templo adductum fuisse, ubi celebres erant Aegyptiorum sacerdotes. Strabonius autem testimonium occurrit in lib. XVI hist. ubi scribit: « Moysem exosum profanos Aegyptiorum mores, collecta ingenti piورum hominum multitudine, concessisse in Iudeam, ibique fixis sedibus, et sanctis Dei colendi ritibus institutis, abiectoque potissimum et einrat idolorum cultu, non tam vi et armis quam pietate imperium confirmasse. » Hactenus in demonstr. Evangel. prop. IVº Capp. 2 et seq. praeter multa antiquorum scriptorum testimonia aliud etiam argumentum adducit ex gentilium mythologis, in quibus omnibus dicit Moysis historiam variis figuris ornata inveniri, idque mira prorsus et recondita eruditio demonstrare satagit de Indis et Sinensis (cap. 6), de vetustis Europae et Americae populis (cap. 7), praecipue autem de Graecis et Romanis, apud quos contendit praecipuas fabulosas divinitates, et mythicos heroas a Moysi historia originem habuisse; ita ex. gr. Apollo, Priapus, Aesculapius, Minos, Rhadamanthus, Orpheus apud Graecos, et Ianus, Vertumnus, Faunus, Silvans etc. apud Romanos, iuxta Huelium, nihil aliud sunt quam ipse Moysey, cuius historiam per traditionem acceptam, aliis atque aliis fabularum additamentis, gentes istae vitiaverint atque immutaverint. Qua in re, licet videatur Illius auctor plus aequo phantasiae atque ingenio induluisse, negari tamen non potest multa quae ab eo proferuntur revera ostendere veram Moysi personam ac historiam antiquis populis notam

fuisse, eorumque traditionibus plus minus corruptis ac fabulis commixtis materiam praebuisse.

Obiicit Voltaire in Lexico-Philosophico, ubi Moysi existentiam in dubium revocat, silentium Aegyptiorum scriptorum de Moysi: « Si enim, inquit, homo toti naturae prodigiose imperans apud Aegyptios vixisset, numquid tam stupenda facta praecipuum Aegyptiacas historiae partem non efformarent? numquid Sanchoniaton, Manethon, Megasthenes, Herodotus de iis siluisserint? »

Respond. imprimis, si nulla Aegyptiorum scriptorum testimonia afferri possent, non ideo demonstratum esset, Moysem numquam exitisse; cum ex una parte constans Hebraeorum testimonium habeamus, quorum scripta monumenta profanam quacumque historiam antiquitate superant; ex alia vero parte per pauca ex antiquis Aegypti scriptoribus supersint a Graecis, Latinisque servata, eaque relative saltem recentiora. Verum concedendum non est Aegyptios scriptores de Moysi omnino siluisse, vel eum ut fictitiam personam traduxisse. *Manethonis* testimonium superius recitavimus ex Iosepho Flavio, cui addi potest alter Aegyptius scriptor *Chærémon* qui in sua Aegypti historia de Moysi gestis, et de Hebraeorum exitu mentionem fecit. Unde Voltairii sive incisitia, sive mala fides appetet: quae etiam clarus innescit, ex eo quod *Megasthenis* silentium urgat; cum scriptor iste non Aegypti historiam, sed Indiae conscriperit, et haec ipsa iamdiu perierit. Ad *Sanchoniatonem* quod attinet, praeterquamquod nonnulli dubitant an unquam existerit (1), is neque in Aegypto floruit, sed in Phoenicia, et Phoenicium historiam scriptio consignasse traditur; ac praeterea ex eius scriptis nonnisi pauca fragmenta apud Eusebium subservunt. De *Herodoto* autem observamus eum in rebus Aegyptiorum narrandis ignorantiam suam prodere, quod Josephus Flavius in Lib. I contra App. notavit, et ante illum Tullius in Lib. I De natura Deor. ubi Herodotum patrem mendaciorum appellat; quare etiam a Manethone reprehensus dicitur (Ios. loc. cit.).

(1) In hac quaestione Dodwell Anglus negativam sententiam tenet, multisque argumentis probare nititur, cui Ursinus et Richardus Simon praeverant, et plures et recentioribus critici subserbunt. Realem vero Sanchoniatonis existentiam communiter eruditii defendunt, quo quibus omnibus legi potest Séguier de Saint-Brisson in speciali dissertatione inserta in *Annales de Philos. Chret.* An. 1839. To. XVIII, et a Migne reproducta ad caleem tom. III opp. Eusebii.

THEISIS XXIV.

Moyses Hebraeorum dux et legislator Pentateuchi auctor est.

Ad hanc Thesim probandam argumentis utemur I. externis,
II. internis.

§. I. Argumenta externa.

Ea ipsa testimonia, quibus Moysi existentiam ostendimus, si ulterius expendantur demonstrant etiam Moysem esse Pentateuchi auctorem. Itaque proponendum nunc est, et in suo lumine collaudum praecepit Hebraeorum testimonium, quod quidem vel *scriptum* est, vel *non scriptum*, seu *traditionale*: cui postea addemus testimonium *profanorum scriptorum*.

A. *Testimonium traditionale* ex tota Hebraeorum historia luculentissime patet. Sane, Iudeorum consensu numquam alteri quam Moysi Pentateuchum adscripsit; nam sub Moysi nomine eum in synagogis legere consueverunt (1), nec unquam alter eos sensisse quisquam suspicatus est. Possumus igitur contra adversarios urgere argumentum *praescriptionis*, quod in re facti gravissimum est. Scilicet Iudeos de Mosaica Pentateuchi origine usque ab immemorabili aetate persusos videmus; si igitur contrarium adversarii ostendere volunt, oportet eos certa ac evidenter afferre argumenta, et traditionem Iudeorum contraria traditione reverttere; quod tamen nec praestare possunt, nec tentare quidem audent; nihil enim aliud contra afferant nisi leves conjecturas, philologicas subtilitates, ratincularia a priori petitas, et alia huius generis, ut postea videbimus.

Confirmatur validissime hoc argumentum ex Pentateuchi indeole ac materia. In hoc enim opere multa continentur Hebraicis ingrata

(1) Act. XV. 21: « Moyses, inquit S. Iacobus, a temporibus antiquis habet in singulis civitatibus qui eum praedicent in synagogis, ubi per omne sabbatum legitur » quod etiam Paulus 2. Cor. III. 15. testatur inquisiens: « Sed usque in hodiernum diem cum legitur Moyses velamen positum est super cor eorum (Iudeorum). » Hoc etiam appetat ex antiqua Pentateuchi divisione in 54 sectiones pro publica lectioне singulis sabbatis sub Moysi nomine facienda, de quibus in Cap. seq.

ac probrosa, et praecepta satis dura ac difficultia, quae proinde Hebrei numquam receperint nisi certissime eis innotuisset Moyses illius operis auctorem esse, cuius imperio ac testimonio resistere non poterant.

B. *Testimonium autem scriptum* in libris ac monumentis Christianorum ac Iudeorum continetur. Quod quidem tum ex iisdem libris *generatim* inspectis apparet, tum *speciatim* ex apertis testimoniis ibidem extantibus.

Ad 4^{um} quod attinet, omnes libri sacri Iudeorum Pentateuchum supponunt, in eo innituntur, et eo posito explicantur, eo vero sublatu inexplicabiles sunt. Sane libri Regum et Paralipomenon et ad Moysi legem passim alludent, et historia in iis narrata tota quanta est eamdem legem supponit, et ab ea explicationem mutuari debet. Huc pertinunt quae de Regum sive pietate sive impietate ibidem narrantur, eorum elogia vel reprehensiones, praemia vel poenae, et varia erga populum merita. Libri Prophetarum nihil frequentius urgent quam Legis Mosaicae custodiā, ad quam ubique appellant, quamque varia ratione confirmant, aut commentantur. Libri Iudicium, et Ruth Hebraeorum exhibent iuxta Moysi legem et instituta, prout in Pentatecho leguntur, viventes, a quorum observantia vel violatione eorum sors ac felicitas pendet. Denique ipse liber Iosue Pentateuchum supponit, et eo sublatu intelligi minime potest. Quaecumque enim narrat de Iosue et Hebraeorum gestis, de terrae divisione, de diversi tribuum iuribus, deque eorum iurgiis ac querelis, omnia, inquam, historiam et legem in Pentateuco relatim supponunt. Quare si Pentateuchus recentius opus esset, ut adversari contendunt, ceteri quoque libri spirii esse deberent, vel saltem ita graviter interpolati ut recentiori illi Pentateuco respondere possent. Quod tamen in tanto librorum numero, et tam diversis aetatibus conscriptorum, et inspecta tam religiosa erga illos Hebraeorum veneratione, absolum est cogitare, quemadmodum etiam superiorius demonstratum est.

2° Si vero speciatim singulorum librorum testimonia expendantur, occurrit in iis continua testium series, quae ab aetate Christi usque ad ipsam Moysi aetatem extenditur, ac Pentateuchum cum Evangelio connectit. Sane Christus et Apostoli Pentateuchum Moysi adscribunt passim. Respondens olim Sadduceorum obiectio Christus siebat Mr. XII, 26: « De mortuis autem quod re-

» surgant, non legistis in libro Moysi, *super rubum* quomodo di-
» xerit illi Deus, inquiens: Ego sum Deus Abraham etc.? » ubi
Pentateuchum vocat *librum Moysi*, eiusque sectionem Ex. III citat
per illum titulum « *super rubum* »; quod etiam clarus appetet
ex modo quo Lucas XX, 37 eadem Christi verba referit: « Quia
vero resurgent mortui, et *Moyses ostendit secus rubum* etc. »
Rursus loquens de lege divortii Mr. X, 5: « *Moyses*, inquit, ad
doritum cordis vestri *scripsit* vobis praeceptum istud » nempe
Deut. XXIV, 1. Iterum Io. V, 46, 47 de Moyse loquens ait: « De me
enim *ille scripsit*: si autem *illius literis* non creditis, quomodo ver-
bis meis credetis? » Omitimus plurima alia loca, ubi Christus li-
brum Legis universum, vel specialia eius praecepta Moysi adscribit ut Math. XXII, 23-29, Luc. XX, 37, XXIV, 44, Io. VII, 22,
VIII, 5 et alibi. Non minus explicitum est Apostolorum testimo-
nium. S. Iacobus in Concilio Ierosolymis habita (Act. XV, 21):
« *Moyses*, inquit, a temporibus antiquis habet in singulis civitatibus
qui eum praedicent in synagogis, ubi per omne Sabbathum *legitur* »
scilicet eius Pentateuchus. Eadem ratione Paulus 2 Cor. III, 15
ait: « Sed usque in hodiernum diem cum *legitur Moyses*, velamen
positum est super cor eorum (Iudeorum) ». Omitimus testimonium
Petri Act. III, 22, Iohannis Apoc. XV, 3, et Io. I, 17, Philippi
Io. I, 45, Lucae II, 22, Stephani Act. VII, 37, 39 et aliorum pas-
sim. Unde manifestum fit Christum, et Apostolos eorumque disci-
pulos, non secus ac totam Hebraeorum gentem, per illam aetatem
Mosaicam Pentateuchi originem certissime tenuisse. Ab Apostolica
aetate paulo altius ascendentis, Pentateuchum ut *Moysi* librum ha-
bitum fuisse inde a tempore captivitatis Babylonicae, appetet ex
postremis libris canonici, ex quibus primus Machabaeorum men-
tionem de eo facit (1 Mac. I, 59): « et libros legis Dei combusse-
runt igni, scindentes eos; » et 2 Mac. VII, 6 legitur: « Dominus Deus
aspiciet veritatem, et consolabitur in nobis, quemadmodum in pro-
testatione cantici declaravit *Moyses*; et in servis suis consolabitur »
quae verba leguntur Deut. XXXII, 36. Paulo ante Machabaeos Ma-
chalias prophetarum ultimus in fine sui vaticinii (IV, 4) Dei no-
mine siebat: « Memento legis *Moysi servi mei*, quam mandavi
ei in Horeb ad omnem Israel, praecepta et iudicia. » Huic coaevus
Nehemias in suo libro cap. XIII, 1 scribit: « In die autem illo le-
ctum est in volumine (*Legis*) *Moysi* quod non debeat introire

Ammonites et Moabites in ecclesiam Dei usque in aeternum » (Cfr. Deut. XXIII, 3, Num. XIII etc.). Item VIII, 4 legitur: « Et dixerunt Esdrae scribae ut afferret *librum legis Moysi*, quam praecepérat Dominus Israeli » et postquam Esdras coram populo librum legisset subditur vers. 14: « et invenerunt *scriptum in lege*, praecepisse Dominum in manu *Moysi*, ut habitent filii Israhel in tabernaculo in die solemni, mense septimo » (Cfr. Ex. XXIII, 16, Lev. XIII, 34, Deut. XVI, 13 etc.), et clariss. I Esd. XII, 18: « et statuerunt sacerdotes in ordinibus suis, et levitas in vicibus suis super opera Dei in Ierusalem sicut *scriptum est in libro Moysi* » (Num. III, 6, VIII, 9).

Tempore captivitatis Babylonicae *liber Moysi* laudatur a Danieli (IX, 11): « Et omnis Israhel, inquit, praevaricati sunt legem tuam, et declinaverunt ne audirent vocem tuam, et stillavit super nos maledictio, et detestatio, quae *scripta est in libro Moysi* servi Dei, quia peccavimus ei; » et vers. 13: « Sicut *scriptum est in Lege Moysi*, omne malum hoc venit super nos » (Deut. XXVII.). Paulo ante Daniëlem, Baruch scribēbat (II, 28 seq.): « Sicut locutus es in manu pueri tui Moysi in die, qua praecepisti ei scribere *Legem tuam* coram filiis Israhel dicens: Si non audieritis vocem meam, multitudine haec magna convertetur in minimum inter gentes, quo ego eos dispergam, etc. » quae reapse legitur Lev. XXVI, 14, et Deut. XXVIII, 15. Ante aetatem Baruchi, durante captivitate Assyriaca, in libro Tobiae (VII, 14) Raguel Saram filiam suam Tobiae in uxorem tradit: « Ut ista coniungoretur cognitio sua secundum *Legem Moysi* » (Num. XXXVI, 6).

Pro epocha Regum plura in sacris libris occurrunt testimonia. Ut enim inverso ordine procedamus, 4 Reg. XVI, 6 Rex Amasis parcit filiis interfectorum patris sui: « iuxta quod *scriptum est in libro Legis Moysi* » (scilicet Deut. XXIV, 16). Sub rege Iosaphat (2 Par. XVII) militantur Sacerdotes et Levitae ad Iudeos in Legē docendos, hi autem: « Docebant populum in Iuda, habentes *librum Legis Domini*. » Sub rege Iosia (4. Reg. XXII, 8 seq. et 2 Par. XXXIV, 14) Helcias summus sacerdos circa templum reperit: « *librum Legis Domini per manum Moysi*, » scilicet ipsum Moysi autographum, ut alias dicemus (1). David morti proximus (3 Reg. II, 3)

(1) Sub eodem rege Iosia solemniter Pascha celebratum est, et oblatā sacrificia, sicut *scriptum est in libro Moysi* (2. Par. XXXV. 12).

Salomonem hortatur ut diligenter perficiat quaecumque a Moyse scripta sunt: « Observa, inquit, custodias Domini Dei tui ut ambules in viis eius, ut custodias caeremonias eius, et praecepta eius, et iudicia, et testimonia, sicut *scriptum est in Legi Moysi*; » idem vero in psalmis de Moyse libris mentionem facit.

Denique ipsa aetate Iudicum, Moysi proxima, testimonia de eius libris occurrunt; et quidem imprimis liber Ruth, cuius historia ad hanc aetatem pertinet, manifeste supponit Pentateuchi existentiam, ut supra vidimus, praesertim cap. IV (Cfr. Deut. XXV, 5-7 etc.). In libro quoque Iudicum III, 4 legitur: « Dimisitque (Dominus) eos ut in ipsis experiretur Israhel, utrum audiret mandata Domini, quae praecepérat patribus eorum per manum *Moysi*, an non. » Denique in ipso Iosue libro clarissima hac de re occurrunt testimonia: Deus ipse in principio libri (I, 7, 8) ita Iosue allocuitur: « Confortare, et esto robustus valde: ut custodias, et facias omnem Legem, quam praecepit tibi Moyses servus meus..... Non recedat volumen Legis huius ab ore tuo: sed meditaberis in eo diebus ac noctibus, ut custodias et facias omnia quae scripta sunt in eo. » In capite vero VIII, 30 seqq. legitur: « Tunc aedificavit Iosue altare Domino Deo Israhel in monte Hebal: sicut praecepérat Moyses famulus Domini filii Israhel, et scriptum est in volumine Legis Moysi (Ex. XX, 23, Deut. XXVII, 2-13)..... Et scripsit super lapides Deuteronomium (Hebr. repetitionem, מִשְׁנָה seu exemplar) Legis Moysi, quod ille digesserat coram filiis Israhel. » Eadem recurunt Cap. ult. v. 26, ubi idem Iosue dicitur scripsisse: « omnia verba haec in columne Legis Domini » scilicet ad calcem ipsius voluminis, ut alias explicatum est. Ex hisce quae breviter innuimus satis manifeste apparet memoriam *voluminis*, seu *libri Moysi* in omnibus scriptis Hebraeorum monumentis extare, quae, cum ad varias aetates pertineant, continuatam testum seriem efficiunt ab aetate Christi usque ad ipsum Moysen, ac proinde Mosaicam Pentateuchi originem invicte demonstrant.

Argumento superius exposito nonnulla obiecta sunt primum a Rich. Simonio, dein vero a Vater aliquique recentioribus Rationalistis. Simonius itaque obicit (Hist. crit. du vieux Test. Chap. 2) testimonia superius adducta nihil aliud ostendere nisi Moysem auctorem esse *Legis* in Pentateuco propositae, et eam quidem scripsisse, non autem integrum opus, quod magna ex parte histori-

cum est; in citatis enim textibus *Lex Moysi, Liber Legis, volumen Legis* semper commemoratur. Vater autem neque hoc admittere vult, sed praefatos textus hoc unice demonstrare affirmat, plures usque ab aetate Moysi scriptas leges et historias extitisse, quae eiusdem Moysi praecepta vel gesta praecepit continerent, non autem ipsam legem vel historian in ea forma quam nunc praeserfert a Moysè produisse.

Quibus tamen respondere facillimum est. Testimonia enim illa non scorsim, sed collective accipienda sunt, nec tantum iuxta materialem verborum sonum, sed iuxta usum logendi Hebraeorum. Namvero ex tota textuum serie clarissime appetat Iudeos Moysem ipsum non solum legislatorem, sed et Legis scriptorem habuisse; saepe enim dicitur eum *scriptisse praecepta* quae citantur, eaque vocantur Moysi *verba ac litterae*, nec unquam alijs nominatur qui Moysi legem scripto mandaverit. Omnia vero testimonia quae tamquam Moysi allegata inveniuntur tum in N. tum in V. T., quaque plurima sunt, in nostro Pentatecho suis locis inveniuntur. Quid autem sub *Legis nomine*, etiam historicæ Pentateuchi partes veniant, certissimum est tum ex intimo nexus, quo Lex et historia in hoc opere sibi invicem cohaerent, ita ut altera ab altera separari non possit; tum etiam et praecepit ex usu loquendi Hebraeorum, qui integros libros Pentateuchi sub nomine *Thorah, seu Legis*, in canonem retulerunt, quod sine dubio ex antiqua consuetudine factum est; appellatio enim ex præcipua et potiori operis parte desumitur: nec aliunde in alijs libris nominandis accuratiores fuerunt Hebrewi, cum et plures historicos libros *Prophetas* appellant, et aliquos propheticos inter *Agiographa* collocent, ut alias monuimus. Manet igitur in suo robore argumentum ex Hebraeorum traditione, pro Moysè Pentateuchi auctore.

C. Ad maiorem rei confirmationem addimus etiam *profanorum testimoniorum*, scilicet, 1^o Testimonium gentis Samaritanæ, 2^o Testimonium Eithnicorum.

1^o Testimonium *Samaritanorum* – Samaritani diversum omnino ab Hebrewis populum constituerunt et adhuc constituant, quamvis multa cum illis communia, habeant, inter quae numeranda est Legis Mosaicae observantia, et Pentateuchi veneratio quem Moysi auctori semper adscripserunt. Sane apud Samaritanos Pentateuchus Moysi reperitur et quidem dupli modo, tam scilicet ipse

Textus Hebraicus characteribus tamen Samaritanis descriptus (qui sunt ipsi antiqui Hebraeorum characteres ante captivitatem apud eos recepti), tum vero versio quedam eiusdem textus in dialecto Samaritana, quae ex commixtione Syriacæ linguae cum Arabicæ exorta est. Pentateuchus Samaritanorum, nempe textus ipse Pentateuchi antiquis Patribus ignotus non fuit; deinde vero oblivioni traditus, recentiori aetate iterum innotuit cum nempe anno 1616 Petrus Della Valle celeberrimus itinerator Italus, exemplar eiusdem Pentateuchi Damasci emptum in Europam attulit, quem P. Morinus in Polyglottis Parisiensibus primo imprimendum curavit; deinde vero alii quoque codices sive textus, sive versionis Samaritanæ Pentateuchi allati sunt, et in variis Europee bibliothecis asservantur. Ex hoc itaque Pentateicho Samaritano non leviter confirmari dicimus Hebraeorum traditionem de eodem Pentateicho, eiusque auctore Moysè. Verum ut argumentum recte intelligatur res altius repetenda est, et paucia de Samaritanæ gentis origine ac historia praemittenda sunt (1). Itaque recolendum est ex sacra historia paulo post Salomonis mortem decem tribus a dynastia Davidis recessisse, et constituto sibi rege Ierooboamo, separatum a regno Iuda et Benjamin regnum constituisse, quod vocatum est regnum Israel. Ierooboam eiusque successores ob politican rationem, ne populus ad Davidis successores rediret, prohibuerunt ne Israëlitæ Hierosolymam se conferrent ad sacrificia in templo Salomonis offerenda iuxta Legis Moysi præscriptum, altaria quoque in excelsis aedificarent, et vitulum aureum adorandum proposuerunt, electis ex infima plebe sacerdotibus profani cultus, et coactis legitimi sacerdotibus ac ministris ex tribu Levi a regno discedere (3 Reg. XII seq. 2 Par. XI, 14, 15). Ita factum est, ut populus Israel non solum politico regimine, sed et religione Iudeis dispareat; quod tamen non ita intelligendum est, ac si vera religio et sinceri Legis Mosaicae cultores apud eos omnino defecerint. Constat enim plures ex Israëlitis ab idolorum cultu alienos fuisse, et Mosica instituta, quatenus fieri poterat, observasse, urgentibus Sacerdotibus et Levitis, quorum nonnulli in regione permaneserant, ac imprimis Prophetis, qui tunc magno numero a Deo suscitati

(1) Plura de Samaritanis quaeri possunt apud Morinum, et Walton; inter recentiores vero legi meretur opusculum Ab. I. L. Barges cui titulus: *Les Samaritains de Naplouse*, Paris, 1855.

sunt. Gens ista, cum Samariam ab Amri aedificatam urbem principem ac regni sedem haberet, poterat Samaritana vocari; non tamen solet hoc nomine in Scripturis designari. Post tria circiter saecula Salmanasar, rex Assyriorum, expugnata Samaria, et Osee rege Israel cum maxima populi parte in Assyriam abducto, finem eidem regno imposuit, quod nunquam deinceps restitutum est (A. C. 724, 4 Reg. XVII). Itaque, vastata regione Samariae, et paucis relictis incolis, rex Assyriæ colonos ex Assyriæ provinciis Avah, Emath, Sepharvaim, et præcipue Cutha illuc immisit, ut regionem colerent, et habitarent; qui cum paganae superstitioni addicti essent, ex Dei consilio a leonibus vexabantur, et interficiebantur. Cum id ad regem Assyriorum (qui tunc erat Assaraddon) delatum fuisset, iussit unum de Sacerdotibus Israeliticis quos captivis abduxerat in regionem Israel redire *ut habitaret cum eis, et doceret eos legitima Dei terrae.* Tunc factum est ut gens illa Dominum quidem *coleret*, sed simul *Diis quoque suis serviret.* Hic itaque populus, Assyriacæ originis maxima ex parte, sed in regione Israel domicilium habens, et cum Israelitarum reliquiis commixtus Samaritanus vocari coepit a Iudeis, aliquando vero etiam *Chutaei* vocantur quia magna eorum pars ex Cutha provincia illius emigraverat. Quamvis inter Iudeos et Samaritanos initio discordia aliqua existaret, non tamen haec tanto fuit, quantum postea scimus extitisse. Huius enim similitudinis, ac animorum aversionis origo repetenda est ex eo tempore quo Iudei et Babylonia reversi restorationi templi, atque urbis instabant. Tunc enim Samaritani conati sunt a Iudeis impetrare, ut eis permetterent partem in hoc opere habere, et cum a Iudeis reiecti fuissent, hac repulsa irritati templi a urbis aedificationem multis modis impeditre conati sunt (2 Esdr. II, 10; IV, VI, etc.). Hinc apertae inter utramque gentem inimicitiae ortae sunt. Crevit autem odium ac discordia aetate Alexandri Magni, cum scilicet Manasses quidam Sacerdos Iudeus, Summi Pontificis Iaddo frater, sacerdotio privatus eo quod nollet uxorem Samaritanam dimittere, ad Samaritanos transfugit, et impetrata ab Alexandre M. facultate, templum in monte Garizim extruxit, ubi sacrificia ac ritus a Moyse præscriptos celebrare coepit. Tunc enim multi Samaritanorum Manassem sequuti templum Garizim tamquam sedem religionis habere coeperunt, et ex eo tempore relictis omnibus paganis superstitionibus pro veris Israelitis

haberi voluerunt. Ita templum Garizim tamquam aemulum templi Hierosolymitanum habitum est, et acerrima orta est controversia cum Iudeis, de loco ubi Deus adorandus esset. Huius controversiae vestigia occurunt inter Iudeos et Samaritanos, qui in Aegyptum deportati fuerant a Ptolemaeo Lagi, et ibi suas disceptationes de Hierosolyma et Garizim continuarunt. Imo etiam postquam Iohannes Hirkanus, ducentis post annis, templum Garizim everit, Samaritani pergebant in eodem monte sacrificia offerre in altari ibidem aedificato. Ita discordia duravit usque ad aetatem Christi, cum legimus mulierem Samaritanam miratam fuisse quod Christus Iudei aquam ab ea posceret: « *non enim, inquit, contundunt Iudei Samaritanis;* » statim autem ac animadverit Christum prophetam esse, veterem quæstionem illi proposuit: « *Pates nostri, inquit, in monte hoc adoraverunt, et vos dicitis quia Hierosolymis est locus ubi adorare oportet?* » (Io. IV, 9, 20). EIusdem discordiae mentio sit etiam in libro Ecclesiastici (L. 27, 28). Post Christi adventum et Iudeorum dispersionem Samaritanorum gens extincta non est, sed qualvis ad paucas familias redacta, post tot saccula adhuc perdurat ita ut videatur, iuxta Bossueti animadversionem, a divina Providentia conservata fuisse eo tantum fine ut suffragio suo Pentateuchi antiquitatem et authentiam confirmaret. Nunc temporis Samaritani in nonnullis pagis Palæstinae commorantur, imprimis vero Neapolis (Naples), quæ est antiqua Sichem, non procul a monte Garizim. Iste Moysi legem se habere gloriantur, circumcisionem, pascha, sabbata et alia festa legalia observant, et matrimonia inter se ineunt ne cum Iudeis, aut Islamitis miscantur. Ab his codices Pentateuchi eruditæ viri impetrarunt, et cum iis commercium epistolare instituerunt Scaliger, et recentium Gregorius Episcopus An. 1810, et Silvester De Sacy: postremis hisce annis summus Sacerdos apud Samaritanos erat quidam Scialmah Ben Tabia, a quo multa didicit superius laudatus Bargès (Vide op. cit.).

Haec sufficiant de historia Samaritanorum. Hisce itaque præmissis, quaeritur undenam et qua aetate Samaritani Pentateuchum receperint, et Moysem eius auctorem venerari incepérint. Hac in re, duas sunt eruditorum opiniones. 1^a Tenet Pentateuchum ad Samaritanos primum allatum fuisse a Manasse sacerdote illo Iudeo qui templum Garizim extruxit; quod si admittatur codex Samaritanus non esset antiquior Alexandre M. 2^a Sententia docet

Pentateuchum Samaritanos recepisse a primo illo sacerdote *Israe-lita*, quem vidimus a Rege Assyriorum in Samarium missum fuisse: si hoc admittatur codex Samaritanus septem ante Christum saeculis ad gentem illam delatus fuisset. Praestabit fundamenta utriusque opinionis breviter expendere.

Prima opinio, quam prae ceteris Gesenius defendit (1), sequentibus argumentis innititur 1^o Samaritani, ante epocham Alexandri M. nullum certum ac rite ordinatum cultum habuisse videntur; postea vero Legi Mosaicae addicti fuerunt, et a profanis ritibus absinuerunt. Ergo ab illa aetate tantummodo Pentateuchum recepisse dicendi sunt. 2^o Urgent similitudinem aut potius identitatem, quae appareat inter textum Hebraicum et textum Samaritanum, quae certe non extaret si duo isti textus per multa saecula independenter ad invicem transcripti et propagati fuissent. 3^o Contra vero leves aliquot discrepancias in quibusdam vocibus manifeste originem habent ex librariorum incuria vel inscripsa, qui textum Hebraicum excripientes litteris Samaritanis, recentiores Hebraicos characteres similes non distinxerunt ex. gr. *yod* et *vau*, *mem* et *samech*, *tsade* et *ojin*: quod ostendit Pentateuchum Samaritanus innotescere postquam Hebrei alphabetum immutaverant, scilicet post captivitatem Babyloniam. Omne vero dubium, de recentiori huius codicis origine, removet lectio Deut. XXVII, 4 ubi pro monte *Hehal* legitur *monte Garizim*, quod manifestum signum est textum ipsum descriptum fuisse post aedificationem templi in monte Garizim.

Altera sententia longe graviora arguments afferit, et rationibus contrariae sententiae satisfacere potest; quapropter primae omnino praferenda est. Et sane 4^o minime verosimile est Samaritanos aetate Alexandri, cum tantopere Iudeis infensi erant, ab eis voluisse Pentateuchum recipere, opus scilicet, quod codicem continentum religiosum tum politicum, cui omnes sub severissimis poenis se subiictere debent. 2^o Samaritani solum Moysi Pentateuchum recipiunt et agnoscunt. Namvero si sacros libros a Manasse illo sacerdote recepissent, cur non etiam reliquos libros canonis Hebraeorum haberent, qui Manassis aetate omnes iam scripti erant, et in unum volumen collecti sacrum Iudeorum codicem constituerant? 3^o Samaritanorum historia rem confirmat; siquidem diu ante Alexan-

(1) In Libro: *De Pentateuchi Samaritoni origine, indeole et auctoritate comm. Philologico-Critica*. Halae 1815.

dram, scilicet aetate Nehemiae, et etiam aetate praecedente, ut ex locis citatis appareret, Mosaicae Legi addicti erant, et uti tales haberi volebant, quod argumento est eos Moysi libros legisse; neque enim Lex tam implexa, tam varia, tam minutis et arduis praecipuis ac ritibus onerata, sine scriptis disci vel observari potuisse. Quod nos recta via ducit ad sacerdotem illum Israelitam ab Assaraddone missum. 4^o Quid etiam suadetur directe ex huius sacerdotis eiusque missionis historia. Missus est enim ut populum in regionem illam recens illatum doceret « *legitima Dei terrae* », scilicet rationem cultus quo Deus in terra illa ab Hebreis antea colebatur, qui fuit cultus a Moysi praescriptus (1). Iam vero licet Scriptura non dicat eum Pentateuchi exemplar secum attulisse, hoc tamen necessario admittendum est; impossibile enim fuisse integrum populum praesertim pagnum et veri cultus ignarum tam multiplicem, implexum ac difficultem praceptorum et caeremoniarum congeriem docere, et quidem ita ut in eius observantia tot saeculis perseveraret; impossibile, inquam, fuisse sine scriptis Legis exemplaribus. Nisi forte cum Bergier alisque dicamus Pentateuchum afferri non debuisse, quia hic apud Samaritanos iam extaret, scilicet a paucis illis Israelitis conservatus qui in regione relicti fuerant. Quod quidem si verum esset, argumenti vim non inminueret, sed augeret ut per se patet: verum haec hypothesis aliunde inverosimilis videtur, siquidem qui relicti fuerant ex Israelitis infimae plebis homines fuisse videntur, et si apud illos sacerdotess aut illi in Lege periti fuisse, qui scriptam Legem habarent, nulla fuisse necessitas sacerdotem ex Assyria mittendi qui populum doceret.

Rationes pro contraria opinione adductae parvi momenti sunt. Ad 4^o enim respondet falsum esse ante epocham Manassis et Alexandri Samaritanos certum ac rite ordinatum cultum non habuisse; imo conterium ex factis superius adductis appetat. Ad 2^o dicimus imprimis non deesse varietates et discrepancias inter textum

(1) Haec in textu 4 Reg. XVII. 27, 28 ita referuntur: « Praecepit autem rex Assyriorum dicens: Ducite illuc namn de sacerdotibus quos inde captivos adduxistis, et vadat et habitat cum eis: et doceat eos legitima Dei terrae. Igitur cum venisset unus de sacerdotibus his qui captivi ducti fuerant de Samaria, habitavit in Bethel, et docebat eos quomodo colerent Dominum. »

Hebraicum et Samaritanum, ut appareat ex sola inspectione harum varietatum, quas Walton colligit in ultimo tomo Polyglottae Londonensis, ex quibus sufficiat commemorare notissimam discrepantiam utriusque textus in aetate Patriarcharum, et consequenter in tota V. T. chronologia. Verum quantumvis exaggeretur conformitas textus Samaritani cum Hebraico, haec nonquam demonstrabit alterum ex altero recentiori aetate exscriptum fuisse. Siquidem huiusmodi conformitas satis superque explicaretur ex summa diligentia ac religione, qua Pentateuchus ab utraque gente semper custoditus fuit. 3^o Nec quidquam proficiunt adversarii quum aliquot lectiones Samaritanas afferunt, quae ex recentioribus Hebreorum literis non bene intellectis ortae videntur. Ut enim recte observat Walton in Proleg. XI n. 12, lectiones istae aliter explicari possunt: scilicet vel ex codicium vetustorum vitio, quod a Samaritanis conservatum fuerit, ab Hebreis autem, opera praesertim Esdrae, correctum, vel ex eo quod, codicibus non consentientibus, Samaritanii unam lectionem, Esdras autem aliam sequuntur sit. Idque eo magis verosimile appareat quod aliquando, imo plerumque, varietates istae occurrunt ubi literae diversam omnino figuram habent, nec invicem permutari potuerint. Insuper praeter vocum diversitatem plures occurrant transpositiones, et integrorum versuum repetitiones, aliaque huiusmodi, quae omnino ostendunt Codicem Samaritanum ex codicibus Esdrinis minime prodiisse. Denique etiam si admittremus lectiones quasdam in textum Samaritanum ex recentioribus Hebreorum codicibus derivatas fuisse non statim sequeretur quod adversarii volunt. Quid enim si diceremus Samaritanos vetustos codices quos habeant contulisse cum recentioribus quibusdam Babylonicas litteris exaratis iuxta Esdras recensionem, quos fortasse Manasses ille, vel alii transfugae Iudeorum ad illos detulerant? Haec sane hypothesis ex una parte vim omnem argumento adversariorum detrahheret, ex altera vero minime absurda est; si enim repugnat Samaritanos a Iudeis codicem ipsum Moysi primum suscepisse, facile tamen intelligitur eos textum ipsum, quem iam independenter a Iudeis possidebant cum Iudeorum exemplaribus conferre voluisse. Quod autem respicit lectionem Deut. XXVII, 4 responderi potest lectionem illam revera esse posteriorem captivitate Babylonica, et ipsa aetate Alexandri, sed hoc minime probare textum integrum esse aetate illa recentiorem. Scilicet Samaritani post ae-

dificatum templum in monte Garizim, ad suam opinionem de sede divini cultus contra Iudeos firmandam in antiquis, quos habebant, codicibus vocem Hebal in Garizim forte immutarunt; ita communiter critici cum Fabricy (Titres primi. de la revel. Tom. 2 pag. 486) Carpzovio (Critica sacra pag. 933) Eichhorn (Introductio V. T. Tom. 4^o pag. 215) et aliis plerisque. Non desunt tamen, qui contendunt antiquiorem et genuinam illius loci lectionem esse *Garizim*, et mutationem potius in textu Hebreorum factam esse. Ita Whiston et Kennicott (Dissert. 2. super Text. Hebr. Cap. I) quorum tamen sententia improbabilis videtur. Iohannes Bern. De Rossi in Vol. 2^o *Variarum Lectionum V. T.* pag. 58. media quodammodo via incedens lectionem Hebraicam *Hebal* praefert quidem Samaritanas *Garizim*, atamen Samaritanos a fraudis crimine excusat: « Optime enim, inquit, interpolatio haec, salva publica fide » nationis, a *privato* aliquo critico sive Samaritano, *sive Isradita* « fieri potuit, qui ex conjectura locum emendarit. Aptius enim » electioni congruit *Garizim*, mons benedictionis, quam *Hebal*. »

Omnibus itaque recte perpensis, appareat omnino praferendam esse sententiam, que Pentateuchi originem apud Samaritanos non a Manasse sacerdote Iudeo recentiori, sed ab antiquo illo Israelite sacerdote ab Assirhaddone missio repetit ideoque Samaritanum textum Pentateuchi, et genti illius persuasionem de Moyse eius auctore septem saeculis aera Christiana antiquiorem esse. Quod quanti momenti sit, cum agatur de gente a Iudeis semper divisa, eisq[ue] infensa, nemo non videt. Verum licet etiam ad remotiorem epocham ascendere, posito testimonio Samaritanorum. Quaeri enim potest undenam, et quando sacerdos ille Pentateuchum receperit quem in Samariam ex Assyria detulit? Codex ille unus erat ex iis qui in regno Israel, ad quod sacerdos pertinebat, conservabantur. Iamvero quis unquam sibi persuaserit Israelitas hos codices a Iudeis receperisse post utriusque regni separationem, cum nemo ignorat quanta inter utrumque regnum divisio, agentibus praesertim impius regibus Israel, et falsis *excelsorum* sacerdotibus, existaret? Necessario itaque veniendum est, ad epocham Roboami, sub cuius regni initio separatio decem tribuum facta est, novem scilicet A. C. saeculis, ita ut Israelites Pentateuchum haberint inde ab aetate qua cum Iudeis unum populum constituebant. Quo posito, iam res ad epocham Salomonis et Davidis deducta est, cumque eorum

aetate Pentateuchus confictus nulla veritatis specie affirmari possit, recta ducimur ad aetatem Iudicum, unde ad Moysem brevis ac necessarius est transitus, ut ex dicendis clarus apparebit. Et haec sufficiant de testimonio Samaritanorum.

2º Accedit testimonium *Ethnicorum* — Nemo certe a profanis scriptoribus expectabit continuatam seriem testimoniorum pro Mosaica origine Pentateuchi; hoc enim impossibile appareat, ex eo quod pauci sunt qui in remota aetate apud Ethnicos aliquid scriperint, et ex his pauciores adhuc sint quorum opera vel etiam fragmenta ad nos pervenerint; denique non omnibus profanis scriptoribus oblatæ est occasio de Moyse eiusque libris loquendi. Verum ex alia parte fallitur omnino Voltairius cum in *Dictionario Philos. art. Moyses* consueta sua temeritate pronunciavit Moysem toti mundo ignotum fuisse ante epocham Ptolemaei Philadelphi. Sane scriptores alias citati multa afferunt testimonia quorum alia antiquiora sunt Ptolemaei Philadelpho, alia quamvis recentiora, sunt tamen valde antiqua et ex vetustioribus monumentis certe deponpta: talia sunt testimonia *Manethonis*, *Philochori Atheniensis*, *Eupolemonis*, *Ptolemaei*, *Ephestionis*, *Nicolai Damasceni*, *Hieronymi Aegyptii*, *Artapani*, *Chæremonis*, *Alexandri Polyhistoris*, *Appionis* aliorumque, quorum opera perierunt sed fragmenta quae ad rem nostram faciunt ab Eusebio, Iustino, et Josepho Flavio recitantur. Ex his nonnulla in praecedenti Thesi laudavimus ex. gr. *Manethonis*, *Chæremonis* et *Strabonis*, quibus nunc addimus, specimenis gratia, alia nonnulla. *Diodorus Siculus* in lib. I. *Bibliothecie*, tractans de celebrioribus gentium legislatoribus, cum ad Hebraeos devenit ait: « Apud Hebraeos quidam Moyses exitit, qui legem eisdem reliquit, quas a Deo Iao se accepisse dicebat; » ubi manifeste alludit ad Moysis libros, in quibus lex Hebraeorum continetur, et Deus Iehovah vocatur, quod corrupta pronunciatione a Diodoro dicitur Iao, nisi forte et hoc recte positum sit, cum Dei nomen tetragrammaton a Iudeis seorsim nunquam pronunciatum, in compositione aliorum nominum laudatam pronunciationem, vel omnino similem habeat. Idem vero auctor apud Photium *Biblioth. cod. 244* refert Moysem ducem suis Hebraeorum coloniae ex Aegypto emigrantis, populum in duodecim turmas divisisse, illis retinisse imprimis simulariorum cultum, Legemque vivendi a ceteris gentibus diversam dedisse. *Iustinus historicus* in lib. XVI historiam et Legem

Pentateuchi summatum commemorat, quod testimonium non eius tantum est, sed præcipue *Trogi Pompeii antiquioris scriptoris*, cuius libros ille in compendium rediget. *Anaxagoras* unus ex vetustissimis Graecorum philosophis, teste Theodoreto, Moysis libros legerat, quemadmodum apparet etiam ex librorum eius exordio ab Eusebio laudato: « Omnia simul erant, deinde Mens superveniens ea in ordinem digessit » (V. *Laertium de vit. et mor. Philos. Lib. II ad vocem Anaxagoras*). Idem de *Aristotele* et *Platone* plures sentiunt; quare Aristobolus Iudeus philosophus demonstrandum assumpit Peripateticam philosophiam magna ex parte ex Moysi scriptis manasse (V. Clem. Alex. *Strom. Lib. V*). *Ecatheus Abderrita* Aristotelis aequalis librum de Iudeis scripsisse fertur, in quo Moysem eiusque Legem impense laudabat (Clem. Alex. ibid.): et ut alios omittamus, *Longinus Rhetor* in tractatu de *Sublimi Cap. VII* librum Moysi, citat. « Iudeorum legislator, inquit, vir minime vulgaris, eum altum de Dei maiestate et potentia conceptum sibi efformasset eum mirifice expressit initio sui codicis hisce verbis: Dicit Deus: fiat lux et facta est lux. » *Tacitus Histor. lib. V Cap. 4* « Moyses, inquit, quo sibi in posterum gentem firmaret, novos ritus contrariosque caeteris mortalibus indidit. Profana illic omnia, quae apud nos sacra: rursum concessa apud illos, quae nobis inesta. Effigiem animalis, quo monstrante errorem sitimque depulerunt, penetrali sacravere, caeso ariete, velut in contumeliam Hammonis. Bos quoque immolatur, quem Aegyptii Apis colunt. Sue abstinent memoria cladis, quod ipsos scabies quandam torpaverat, cui id animal obnoxium. Longam olim famem crebris adhuc ieunii satentur, et raptarum frugum argumentum, panis Iudeicus nullo fermento detinetur. Septimo die otium placuisse ferunt, quia is finem laborum tulerit, dein blandiente inertia, septimum quoque annum ignaviae datum. » Quo in loco, inter plures errores, et in magna factorum ac temporum confusione, manifestum est Romano historico Moysis legem et scripta ignota non fuisse. Idem apparet ex testimonio Iuvenalis, qui in satyra XIV quae est de *recta liberos educandi ratione* inter alios carpit parentes illos qui Iudeorum legem, et Moysis volumen pro vivendi norma habebant: